



5. december 2016

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppara:

Pisortanit piginnineq unammilleqatigiinnerlu pillugit Naalackersuisunut apeqquteqaat:

- 1. Suna peqquataava namminersorlutik oqartussat Greenland Venture aqutigalugu Pisiffik aktie-teqarfigaat?**
- 2. Naalackersuisut pitsaaqutit suut isigaat niuerfimmi unammilleqatigiiffiulluartumi ulluinnarsiutininik tuniniaasut namminersorlutik oqartussanit piginneqataassutsit attatiinnarneqarnissaat?**
- 3. Naalackersuisut suliniutit suut ingerlanniarpaat, niuerfimmi tassani suliffeqarfiit angisuut akikinnerusumik ingerlatsisinnaasut kingunerisaanik niuertut mikinerusut ipitinsinnaanerit pinngitsoortikkumallugit?**
- 4. Naalackersuisut suut sulissutiginiarpaat niuerfinni assigiinngitsuni tamani unammilleqatigiinneq isumannaarniarlugu, niuertut tamarmik atugassarititaat ajornerunnginnissaanut aammalu kisermaassisut immaqaluunniit kisermaassisut inissisimasinnaasut minnerusunut ipitinsinnaanerit pinngitsoortikkumallugu?**

(Inatsisartunut ilaasortaq Justus Hansen, Demokraatit)

Tungavilersuut:

Demokraatit pingaartippaat niuerfinni assigiinngitsuni killeqanngitsumik aammalu ammasumik unammilleqatigiinneq pilersinneqassasoq. Tamannalu avataatigut aamma unammilleqatigiinneq assigiimmik, ammasumik tamanullu paasiuminartumik atugassaqaartitsissasoq.

Maani nunami suliffeqarfiit ilai tamakkiisumik ilaannakortumilluunniit pisortanit pigineqartut, namminersorlutik ingerlasunik unammillertuupput. Tamanna ajunngikkaluarpoq, kisiannili pingaartuuvoq unammilleqatigiinneqassappat taava atugassarititat assigiimmik atuutsinneqassappat aammalu suliffeqarfiit tamakkiisumik ilaannakortumilluunniit pisortanit pigineqartut unammilleqatigiinnermi pitsaanerusunik atugassaritinneqassanngitsut.

Tamatumalu avataatigut aamma Demokraatit isumaqarput, pimoorullugu eqqarsaatigineqassasoq suliffeqarfiit unammilleqatigiiffiusuni ingerlasut aktie-tai akigineqarnissai, niuerfimmi namminersorlutik ingerlasut suliassat tamakkiisumik naammassinnissinnaaffianni. Uani assersuutigalugu niuertarfeqqat ulluinnarsiutaarniarfiillu illoqarfinni anginerusuniittut.

Akissut ullut suliffiusut iluanni akineqareersimanissaat kissaatigineqarpoq